


# Klang Rawm Mai Lak

A crow and an egret



Wa, Parauk



Klang Rawm Mai Lak

A crow and an egret

Cao tiem lih : Chmlt Htoi R

Cao Pawd Riang : Chmlt T Nan

Lox Lai Shiao : Lai Vax

Teei Khaing : Lai Been Zaiwa

Cao Toe Lih : Sai Rong Khun

Bawg Plih Lih : Bawg (1)

Khix Num : 9 / 2021

Author : Chmlt Htoi R

Illustrator : Chmlt T Nan

Original Language : Aaiwa

Translated Language : Wa

Translator : Sai Rong Khun

Edition : First Print


Date : Sep / 2021

Wa, Parauk  
Myanmar

Copyright © 2021, Literature Department Of WBC, SIL

For permission to reuse, contact the copyright holder.

## Klang Rawm Mai Lak




Nyi Pao taug ka hu krax, nawh tom laux ti greem veei khaox mai laig it tan heue. Klang rawm mai lak ot piang khaox an heue. Can sim khankix tawx lox satix ka klang rawm heue. "Phan ot tau mai lak pa ang mhawm rhawm an, dee ghoik tak sang yaox pa ang mhawm" ah nan heue. Viang mawh nan klang rawm ang nghiit nawh ca ot mai lak heue.

Kheu dux singaix tix, veei khaox kawx hawt ti dux, koek jhan ka Nyi Pao pa it greem khaox heue. Klang rawm yaox ti jhan koek ka Nyi Pao nawh ang nyawm rhawm mai tie koek ka pruiik nawh heue.

Sim lak pa ang mhawm rhawm an nawh nyiah mai jhak klang rawm heue. Khaix an nawh teei lon simaox tix mu mai viex hu ploi piang ngai baoh Nyi Pao son sang tawx krax pa susak heue. Sim lak an po hu dee singai phao. Nyi Pao siyaoh kheu krox lon simaox ka ngai nawh heue. Nyi Pao tom teei ak mai te nawh heue. Nawh yaox klang rawm ngie pa ot piang khaox heue. Mawh kheu puing Nyi Pao klang rawm an klang rawm tom yaox yum heue. Mawh kheu nan phan paox grawm ex ang mhawm, chix kieh ex yaox krax laux ju heue.

## Kang Koi Pa Koe RhawmTeem



Didix daux nong tix nong koe kang koi tix mu heue. Tix ngaix kang koi an lih khaing nyiex tix nawh bleeh dex klawng tix klawng son sang sawg priex ih heue. Yam sang tiang kang koi sipauk tiang klawng, nawh yaox hia tix mu sibloe daux rawm heue. Kang koi an nawh teei kak khaox praok rawm klawng mai taoh ka hia an heue. Kheu buanson kang koi hia yaox tix luan khaing krax yum nawh tom po hu dee singai heue.

Kang koi ca hu ti sawg priex ih heue. Nawh sidaing taug yam ing nawh khaing sawg priex ih, nawh tom laux tix greem khaox raix pa ot praok krax heue. Kang koi laig it yam laux nawh greem khaox raix heue. Yam laig it kang koi, pui leue tiag yaox kang koi mai sang puing nawh heue.

Yam sang puing pui an kang koi, hia tix mu po ti hoek mai heeik ka reue pui an heue. Kang koi an siyaoh ka lox nad mai kaoh to heue. Mawh kheu heeik hia ka pui leue tiag an, nawh ang pon titix ing khawm meet rhawm tix heue. Hia pa heeik pui leue tiag an mawh hia pa taoh kang koi ju kadaux klawng heue. Kadaux been in, kang koi pa chix teem ka tang kaux, nawh tom dee yaox luan khaing krax yum heue.



## Grawng Krub Ka Syiex Phi



Didix pui mai siyiex phi ot tau heue.  
Viang mawh nan kawn pui ang nyiang  
krub ka siyiex phi heue. Mawh siyiex phi  
pa yaox ti krub ka kawn pui ngie heue.  
Siyiex phi khankix yaox ti hu tawx nex,  
kax mai taux lhax pa pon kix ka kawn pui  
heue. Kawn pui khankix ih ceu pa tawx  
siyiex phi khankix khawmuik tom ang lai  
deug heue. Siyiex phi tom ang lai pon

kham ka krax cai rhawm pa yuh kawn  
pui, kix tom yuh krax kum mai kawn pui  
heue.

Siyiex phi pa ting khaing paox tix  
tom ah nin "Pex ih priex pa tawx yix ang  
lai deug son yix pie ceeix kawx, mawh  
kheu nan simie pex kawn pui deeh tawx  
mai krub ka yix. Yix sang ih taox priex pa  
tawx pex ngie, khaix an pex kawn pui  
deeh chix ih priex pa tan ankix khawmuik  
heue. Yam an pui pa ang koe jhawm krax  
keud, pui pa yie yum rhawm mai pui pa  
ang koe pingnya khankix kix tom gaux  
rhawm mai rieb ka lox ah siyiex phi an  
heue. Jah tom singaix an pui pa ang koe  
dong keud tom yaox ti krub ka siyiex phi  
ankix heue.



